

Liite

**86/2014****Láhka****boazodoalu deaividan vaháiid buhttenlága rievdadeamis**

Addojuvvon Helssegis 31 beaivve oddajagemánus 2014

Riikkabeivviid mearrádusa mielde  
*rievdaduvvo* boazodoalu deaividan vaháiid buhttemis addojuvvon lága (987/2011) 14 § ja  
*lasihuvvo* láhkii odđa 14 a § čuovvovaččat:

14 §

14 a §

*Buhttenvuogádaga eará ollašuhttin**Nuppástusohcan*

Dán lágas oaivvilduvvon buhtadussii heivehuvvo stáhtadoarjjaláhka (688/2001) dakko bokte go jearaldat lea dien máinnašuvvon lága 9 §:a 2 momeanttas, 10 ja 11 §:s, 12 §:a 1 momeanttas, 13—21 §:s, 22 §:a 1 momeantta 1, 2 ja 7 čuoggás ja 2 ja 3 momeanttas sihke 23—33 ja 35—36 §:s oaivvilduvvon áššiin.

Dasa lassin mii stáhtadoarjjalága 16 §:s mearriduvvo, de maidđái Eana- ja meahccedoalloministeriijas sihke Dálonguovlovirgebáikkis lea vuoigatvuohta dahkat dárkkistemiid ja iežaska mearrádusain fápmudit earáid dahkat dárkkistemiid.

Dan hehttekeahttá mii stáhtadoarjjalágas mearriduvvo, de buhtadusa sáhtta bearrat ruovttoluotta, jos Eurohpá Uniovnna stáhtadoarjagiidda guoskevaš dahje eará láhkamearrádušat dan gáibidit.

Stáhtaráđi sihke Eana- ja meahccedoalloministeriija 5 §:s oaivvilduvvon mearrádussii ii oaččo gáibidit njulgema iige ohcat nuppástusa váidimiin.

Ealáhus-, johtalus- ja birasguovddáža sihke Dálonguovlovirgebáikki mearrádussii sáhtta gáibidit njulgema mearrádusa dahkan eiseválddis nu go hálddahušlágas (434/2003) mearriduvvo.

Njulgengáibádussii addojuvvon mearrádussii oažžu ohcat nuppástusa váidimiin Davvi-Suoma hálddahušriektái nu go hálddahušláhkeavahanlágas (586/1996) mearriduvvo. Hálddahušrievtti mearrádussii oažžu ohcat nuppástusa váidimiin Alimus hálddahušriektái.

Dán lága fápmuiboahhtimis mearriduvvo sierra lágain.

Helssegis 31 beaivve oddajagemánus 2014

**Dásseválldi Presideanta****SAULI NIINISTÖ**Eurohpa- ja olgoriikkagávpeministtar *Alexander Stubb*

HE 121/2013  
 MmVM 17/2013  
 EV 186/2013